



JU KANTONALNA BOLNICA ZENICA DIREKTOR

Adresa: Crkvice 67, 72000 Zenica, Bosna i Hercegovina Direktor: 032 447 010
Centrala: 032 447 000 fax: 032 226 576 E-mail: kbzenica@kbze.ba

Identifikacijski broj: 4218136720007

Registrovano kod Kantonalnog suda u Zenici Rj.br: U/I 486/98 od 09.04.1999.

Broj: 20/1-10735/12
Zenica, 04.12.2019. godine.

Na osnovu člana 69. i 70. Zakona o javnim nabavkama ("Službeni glasnik BiH" broj: 39/14), člana 21. Pravilnika o javnim nabavkama JU Kantonalne bolnice Zenica (broj: 20/1-1-17555 od 24.08.2016 godine), direktor Kantonalne bolnice Zenica, donosi

O D L U K U

I

Vrši se odabir ponude ponuđača "MEDICAL" D.O.O. MOSTAR u predmetu javne nabavke roba - rezervni dio za UZV proizvođača Ge sa popravkom i ugradnjom za potrebe JU Kantonalna bolnica Zenica, ukupne vrijednosti ponude 10.468,00 KM bez PDV-a (tender broj: 61-N-25/19), i dodjeljuje se ugovor odabranom ponuđaču na gore navedene vrijednosti predmetne nabavke u ukupnom iznosu od 10.468,00 KM bez PDV-a.

II

Sa odabranim ponuđačem iz tačke I ove Odluke, a nakon pravosnažnosti iste, zaključit će se ugovor na period do isteka garantnog roka, u ukupnom iznosu od 10.468,00KM bez PDV-a.

III

Javna nabavka je provedena putem konkurentskog postupka sa namjerom provođenja e-aukcije.

IV

Ova odluka stupa na snagu danom donošenja.

O B R A Z L O Ž E N J E

U skladu sa članom 5. i 8. Pravilnika o uspostavljanju i radu Komisije za nabavke (Službeni glasnik BiH broj 103/14), Komisija za javnu nabavku roba- Rezervni dio za UZV proizvođača Ge sa popravkom i ugradnjom za potrebe JU KBZ imenovana Odlukom direktora broj: 20/1-10735/3 od 31.10.2019.godine, podnosi direktoru JU Kantonalna bolnica Zenica izvještaj o provedenom postupku javne nabavke roba- Rezervni dio za UZV proizvođača Ge sa popravkom i ugradnjom za potrebe JU KBZ Odlukom direktora, broj: 20/1-10735/2 od 31.10.2019. godine pokrenut je postupak za javnu nabavku roba- Rezervni dio za UZV proizvođača Ge sa popravkom i ugradnjom za potrebe JU KBZ procijenjene vrijednosti 10.500,00 KM bez PDV-a, konkurentskim postupkom, a u skladu sa članom 87. i 88. Zakona o javnim nabavkama.

Komisija je utvrdila sljedeće:

- da je na portalu „E-nabavke“ dana 08.11.2019. godine, objavljeno je obavještenje o nabavci broj 669-7-1-328-3-297/19 i TD sa namjerom provođenja e-aukcije, te rokom prijema ponuda i javnim otvaranjem ponuda zakazanim za dan 28.11.2019. godine,
- Da je planirano zaključivanje ugovora o javnoj nabavci opreme sa jednim ponuđačem na period do isteka garancije
- da na portalu „E-nabavke“ nije bilo postavljenih upita vezano za predmetnu nabavku
- Da je sa portala „E-nabavke“ tendersku dokumentaciju objavljenu 08.11.2019. godine, preuzelo ukupno 4 (četiri) potencijalna ponuđača,
- da je javno otvaranje ponuda bilo dana 28.11.2019. godine sa početkom u 10:00 sati,
- da su 28.11.2019.g. u 09:55 sati ponude predate Nesibu Huseinspahiću dipl.ing.elek.predsjedniku Komisije za javne nabavke kao ovlaštenom predstavniku ugovornog organa-Bolnice,
- da na javnom otvaranju ponuda nisu prisustvovali predstavnici ponuđača,

- da je na tender broj 61-N-25/19, u predviđenom roku pristiglo ukupno 1 (jedna) ponuda i to ponuda ponuđača: „MEDICAL“ d.o.o. MOSTAR

Prikaz prihvatljivosti ponuda prema obliku, sadržaju i potpunosti, iz zapisnika o otvaranju ponuda:

Redni broj omotnice ponude	Naziv ponuđača	<u>Cijena tehnički zadovoljavajuće ponude</u>
1.	„MEDICAL“ D.O.O. MOSTAR	Ukupna cijena ponude bez PDV-a: 10.468,00 KM

Na zatvorenom sastanku Komisije održanom 28.11.2019. godine, sa početkom u 10:00 sati konstatovano je sljedeće:

- da je u skladu sa članom 88.st.1. ZJN, dana 08.11.2019. godine, upućen zahtjev za dostavljanje ponude na 3 (tri) adrese potencijalnim ponuđačima, putem e-maila i to firmama: „HERCEGOVINA LIJEK“ d.o.o. MOSTAR, „MEDICAL“ d.o.o. MOSTAR i „TUZLA FARM“ d.o.o. TUZLA,
- da su svi uslovi i traženi dokazi u tenderskoj dokumentaciji koncipirani u skladu sa Zakonom o javnim nabavkama i nisu mogli utjecati na broj dostavljenih i prihvatljivih ponuda, odnosno poštovani su principi jednakog tretmana i nediskriminacije dobavljača,
- da je za ispunjavanje svih uslova predviđenih tenderskom dokumentacijom traženo dostavljanje sljedećih dokumenata, obrazaca i izjava:

Za ispunjavanje svih uslova predviđenih tenderskom dokumentacijom traženo je dostavljanje sljedećih dokumenata, obrazaca i izjava, po tačkama iz tenderske dokumentacije:

Ponuđač je dužan u svrhu dokazivanja lične sposobnosti dokazati da:

- u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;
- je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

U svrhu dokazivanja uslova iz tački a) do d) ponuđač je dužan dostaviti popunjenu i ovjerenu kod nadležnog organa (općinskog organa uprave ili notara) izjavu koja je sastavni dio tenderske dokumentacije. Izjava ne smije biti starija od 15 dana od dana predaje ponude.

Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu.

Ponuđač koji bude odabran kao najbolji u ovom postupku javne nabavke je dužan dostaviti sljedeće dokaze (original ili ovjerenu kopiju) u svrhu dokazivanja činjenica potvrđenih u izjavi i to:

- izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- potvrde nadležne/ih institucija o uredno izmirenim obavezama po osnovu direktnih i indirektnih poreza.

U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze,

dužni su dostaviti potvrdu nadležne institucije/a da ponuđač u predviđenoj dinamici izmiruje svoje reprogramirane obaveze. Ukoliko je ponuđač zaključio sporazum o reprogramu obaveza ili odgođenom plaćanju obaveza i izvršio samo jednu uplatu obaveza, neposredno prije dostave ponude, ne smatra se da u predviđenoj dinamici izvršavaju svoje obaveze i taj ponuđač neće biti kvalifikovan u ovom postupku javne nabavke.

Dokazi koje je dužan dostaviti izabrani ponuđač moraju sadržavati potvrdu da je u momentu predaje ponude ispunjavao uslove koji se traže tenderskom dokumentacijom. U protivnom će se smatrati da je dao lažnu izjavu. Dokaze o ispunjavanju uslova je dužan dostaviti u roku od 3 (tri) dana od dana zaprimanja obavještenja o rezultatima ovog postupka javne nabavke. Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. Zakona.

Ukoliko ponudu dostavlja grupa ponuđača, svaki član grupe mora ispunjavati uslove u pogledu lične sposobnosti i dokazi se dostavljaju za svakog člana grupe.

Ugovorni organ može diskvalifikovati ponuđača iz ovog postupka javne nabavke ukoliko može dokazati da je ponuđač bio kriv za ozbiljan profesionalni prekršaj u posljednje tri godine, ali samo ukoliko može dokazati na bilo koji način, posebno značajni i/ili nedostaci koji se ponavljaju u izvršavanju bitnih zahtjeva ugovora koji su doveli do njegovog prijevremenog raskida (npr. dokaz o prijevremenom raskidu ranijeg ugovora zbog neispunjavanja obaveze u skladu sa Zakonom o obligacionim odnosima), nastanka štete (pravosnažna presuda nadležnog suda za štetu koju je pretrpio ugovorni organ), ili drugih sličnih posljedica koje su rezultat namjere ili nemara tog privrednog subjekta (dokazi u skladu sa postojećim propisima u Bosni i Hercegovini).

Za ponuđače čije je sjedište izvan Bosne i Hercegovine ne traži se posebna nadovjera dokumenata.

3.1. Sposobnost obavljanja profesionalne djelatnosti – u smislu člana 46. ZJN BiH

- a.) registrovan u odgovarajućim profesionalnim ili drugim registrima u zemlji u kojoj su osnovali firmu za obavljanje djelatnosti koja je predmet ove nabavke u vrijeme predaje ponude,
- b.) upisan u registar veletrgovaca lijekova i medicinskih sredstava kod Agencije za lijekove i medicinska sredstva BiH
- c.) ovlašteni distributer za predmet javne nabavke u BiH

U svhu dokazivanja uslova iz tačke a) ponudjač je dužan dostaviti:

- aktuelni izvod iz sudskog registra ili izjavu ili potvrdu nadležnog organa iz koje se vidi da je ponudjač registrovan za obavljanje djelatnosti koja je predmet ove nabavke u vrijeme predaje ponude.

U svrhu dokazivanja uslova iz tačke b) ponudjač je dužan dostaviti:

- aktuelni- važeći dokument/ rješenje o upisu u registar veletrgovaca medicinskih sredstava koji je izdala Agencija za lijekove i medicinska sredstva BiH.

Dokazi se dostavljaju kao neovjerene kopije originala, s tim da datum izdavanja originala za uslov pod tačkom a) ne može biti stariji od 3 /tri/ mjeseca računajući od dana dostavljanja ponude.

U svhu dokazivanja uslova iz tačke c) ponudjač je dužan dostaviti:

- validna dokumentacija (kopija autorizacije i prevoda autorizacije od strane sudskog tumača) kojom ponuđač dokazuje da je ovlašteni distributer i serviser proizvođača predmetne opreme za BiH, (dostaviti kopije autorizacije i prevoda autorizacije izdate od strane proizvođača opreme);

Ponuđač koji bude odabran kao najbolji u ovom postupku javne nabavke je dužan dostaviti originale ili ovjerene kopije ranije navedenih dokumenata u roku od 7 (sedam) dana od dana zaprimanja obavještenja o rezultatima ovog postupka javne nabavke.

Ukoliko ponudu dostavlja grupa ponuđača, svi članovi grupe zajedno moraju biti registrovani za obavljanje djelatnosti koja je predmet nabavke ili za dio predmeta nabavke.

3.3. Ekonomsko-profesionalna sposobnost u smislu člana 47. ZJN BiH

Ponuđač je dužan u svrhu dokazivanja ekonomsko i finansijske sposobnosti kandidata (član 47. ZJN BiH) dokazati da:

- a) da je glavni transakcijski bankarski račun ponuđača aktivan

U svrhu dokazivanja uslova iz tačke a) ponuđač je dužan dostaviti izjavu ovjerena od strane ponuđača, koja je dostavlja u formi iz Priloga 4. TD, koja ne smije biti starija od 15 /petnaest/ dana od dana predaje ponude i dostavljanje:

- Potvrda banke ponuđača da ponuđač ima otvoren i solventan račun kod iste i da je ujedno taj račun **glavni**, dostavlja se kao neovjerena kopija originala, s tim da datum izdavanja originala ne može biti stariji od 15 /petnaest/ dana računajući od dana dostavljanja ponude

Dokazi se dostavljaju kao neovjerene kopije originala, s tim da datum izdavanja originala za uslov pod tačkom a) ne može biti stariji od tri mjeseca računajući od dana dostavljanja ponude.

Ponuđač koji bude odabran kao najbolji u ovom postupku javne nabavke je dužan dostaviti originale ili ovjerene kopije ranije navedenih dokumenata u roku od 10 (deset) dana od dana zaprimanja obavještenja o rezultatima ovog postupka javne nabavke

Ponuđač koji bude odabran kao najbolji u ovom postupku javne nabavke je dužan dostaviti originale ili ovjerene kopije ranije navedenih dokumenata u roku od 7 (sedam) dana od dana zaprimanja obavještenja o rezultatima ovog postupka javne nabavke.

Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu.

3.4. Ponuđač je dužan u svrhu dokazivanja tehničke sposobnosti kandidata (49. tačka c) ZJN BiH) dokazati:

- a) **da ima angažovane tehničko osoblje za poslove postavljanja, instaliranja i servisiranja ponuđene medicinske opreme.**

U svrhu dokazivanja uslova iz ponuđač je dužan dostaviti:

- spisak angažovanih ovlaštenih certificiranih serviseru u BiH, sa adresama i kontakt telefonima, potpisan od strane ponuđača (originalan dokument).
- certifikate za servisere izdate od strane proizvođača opreme (obična kopija)

3.5. Izjave i dokumenti o uslovima isporuke, garanciji i pružanju servisne podrške

U vezi sa ispunjavanjem uslova isporuke, garanciji i pružanju servisne podrške, ponuđač je dužan dostaviti:

1. Izjava ponuđača da će robu isporučiti i ugraditi u roku ne dužem od 30 /trideset/ dana od dana dostavljanja elektronske narudžbenice prema potrebama Ugovornog organa
2. Izjava ponuđača da ponuđena roba zadovoljava sve zahtjevane tehničke karakteristike utvrđene u Prilogu 2. Tenderske dokumentacije.
3. Izjava o mjestu isporuke – JU Kantonana bolnica Zenica u skladu sa tačkom 2.3. TD
4. Izjava o roku plaćanja od 60 /šezdeset/ dana od dana puštanja opreme u rad u skladu sa tačkom 12.1. TD,
5. Izjava ponuđača o nepromjenjivosti cijena za vrijeme trajanja ugovora
6. Izjava o opciji ponude u trajanju od **120 /stodvadeset/ dana** u skladu sa tačkom 4.9. TD
7. Izjava o garantnom roku na isporučenu robu sa ugradnjom od minimalno 6 /šest/ mjeseci
8. Izjava ponuđača da će načiniti zapisnik o popravni i ugradnji i puštanju u rad istog

3.5. Diskvalifikacija po osnovu sukoba interesa ili korupcije

U skladu sa članom 52. Zakona, kao i sa drugim relevantnim propisima, ugovorno tijelo će odbiti ponudu u postupku javne nabavke ako je ponuđač sadašnjem ili bivšem zaposleniku ugovornog organa dao ili je spreman dati mito u obliku novčanih sredstava ili u bilo kojem nenovčanom obliku, s ciljem ostvarivanja uticaja na radnju, odluku ili tok postupka javne nabavke.

Kao dokaz da ne postoje navedeni razlozi za diskvalifikaciju, ponuđač je obavezan dostaviti **ovjerenu izjavu od strane nadležnog organa** datu na obrascu Priloga 6 koji je sastavni dio ove tenderske dokumentacije.

Ukoliko ponudu dostavlja grupa ponuđača, svi članovi grupe moraju biti registrovani za obavljanje djelatnosti koja je predmet nabavke ili za dio predmeta nabavke.

4. PODACI O PONUDI

4.1. Sadržaj ponude i način pripreme ponude

Ponuda se zajedno sa pripadajućom dokumentacijom priprema na jednom od službenih jezika u Bosni i Hercegovini, na latiničnom ili ćiriličnom pismu. Pri pripremi ponude ponuđač se mora pridržavati zahtjeva i uslova iz tenderske dokumentacije. Ponuđač ne smije mijenjati ili nadopunjavati tekst tenderske dokumentacije.

Ponuda mora sadržavati:

- a) Osnovne podatke o ponuđaču na memorandumu ponuđača (Adresa, sjedište, službeni e-mail ponuđača za komunikaciju i dostavu odluka, direktor, ID broj, naziv banke kod koje ima otvoren glavni račun sa brojem istog i sl.
- b) Obrazac za ponudu – **Prilog broj 1 TD**;
- c) Obrazac za cijenu ponude – **Prilog broj 2 TD**;
- d) Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama – **Prilog broj 3 TD**;
- e) Obične kopije dokumenata kojima ponuđač dokazuje ispunjenost uslova iz člana 46. Zakona, saglasno tački 3.2.TD;
- f) Izjava i obične kopije dokumenata kojima dokazuje da ispunjava uslove iz člana 47. st. (1) tačaka od a) do d) i (4) Zakona o javnim nabavkama- **Prilog broj 4 TD**. U skladu sa tačkom 3.3. TD;
- g) Dokumenti i Izjave ponuđača o ispunjavanju uslova iz tačke 3.4. TD
- h) Dokumenti/Izjave kojima dokazuje uslove postavljene u tački 3.5. TD
- i) Izjava ponuđača o prihvatanju garancije za dobro izvršenje ugovora sporazuma u visini od 10% od vrijednosti ugovora- **Prilog broj 5**.
- j) Pismena izjava ponuđača iz člana 52. Zakona o javnim nabavkama - **Prilog broj 6. TD** ovjerena kod nadležnog organa,
- k) Obrazac povjerljive informacije, **Prilog broj 7**,
- l) Parafiran i potpisan nacrt ugovora-**Prilog broj 8**,
- m) Obrazac izjave o prihvatanju općih i posebnih uslova tenderske dokumentacije, **Prilog broj 9**,
- n) Original uvjerenja Vanjskotrgovinske komore Bosne i Hercegovine, Sektor za javna dokumenta u slučaju da ponuđač podliježe primjeni preferencijalnog tretmana domaćeg.
- o) Ukoliko ponudu, umjesto lica upisanog u sudski registar, potpisuje ovlašteno lice, potrebno je uz ponudu, dostaviti i original ili ovjerenu fotokopiju punomoći lica ovlaštenog za potpisivanje ponude.

• Komisija koja provodi predmetnu javnu nabavku konstatuje da je ponuđač "MEDICAL" D.O.O. MOSTAR uz ponudu dostavio sljedeće dokumente i to:

- Obrazac za dostavljanje ponude, **Prilog broj 1**, popunjen, ovjeren i potpisan od strane ovlaštene osobe;
- Popis dostavljene dokumentacije, potpisana i ovjerena od strane ovlaštene osobe
- Obrazac za cijenu ponude, **Prilog broj 2**, popunjen, ovjeren i potpisan od strane ovlaštene osobe;
- Obrazac izjave o ispunjenosti uslova iz člana 45. stav (1) tačaka od a) do d) Zakona o javnim nabavkama BiH, **Prilog broj 3**; ovjerena od strane nadležnog organa 19.11.2019 godine
- Uvjerenje iz Porezne uprave-Kantonalni porezni ured Mostar o poreznoj registraciji, ovjerena od strane nadležnog organa 22.11.2019 godine
- Uvjerenje UIO BiH, Banja Luka, broj: 04/1 -17-1-UPJR/1-6060-2-/12 od 15.11.2012. godine, o registraciji/upisu obveznika u Jedinstveni registar obveznika indirektnih poreza, ovjerena od strane nadležnog organa 12.11.2019 godine
- Uvjerenje Suda u Sarajevu, Su:03-5024/19 od 23.09.2019. godine da prema ponuđaču nije izrečena pravosnažna presuda za krivična djela organizovanog kriminala, prevaru, korupciju a sve u smislu člana 45. stav 2. tačka a. ZJN BiH, kopija ovjerena od strane nadležnog organa 12.11.2019 godine
- Potvrda iz Općinskog suda u Mostaru, Su-uvip 2809/2019 od 20.09.2019. godine da prema ponuđaču nije izrečena pravosnažna presuda za krivična djela organizovanog kriminala, prevaru, korupciju, kopija ovjerena od strane nadležnog organa 12.11.2019 godine
- Potvrda iz Općinskog suda u Mostaru, Su-uvip 2810/2019 od 20.09.2019. godine da ponuđač nije pod stečajem kao i da nije predmet postupka likvidacije, kopija ovjerena od strane nadležnog organa 12.11.2019 godine
- Uvjerenje UIO BiH, Regionalni centar Mostar, broj: 02/6/III-16-11-2-5158-1/19 od 19.11.2019. godine, da ponuđač nema dospjelih a neizmirenih obaveza po osnovu indirektnih poreza i ostalih prihoda, ovjerena od strane nadležnog organa 22.11.2019 godine
- Uvjerenje Porezne uprave Federacije BiH, Porezna ispostava Mostar, broj: 13-7/1-15-13762-1/19-O.Š. od 16.10.2019. godine, da ponuđač nema duga po osnovu javnih prihoda, ovjerena od strane nadležnog organa 12.11.2019 godine
- Aktuelni izvod iz sudskog registra, Općinski sud u Mostaru, od 02.10.2019. godine, kopija ovjerena od strane nadležnog organa 22.11.2019 godine
- Potvrda o zastupništvu „ GE Healthcare”(na engleskom jeziku) kopija, ovjerena od strane nadležnog organa 12.11.2019 godine
- Potvrda o zastupništvu „ GE Healthcare”(s prevodom) kopija, ovjerena od strane nadležnog organa 12.11.2019 godine

- Potvrda o ekskluzivnom servisnom zastupništvu proizvođača „ GE Healthcare”(na engleskom jeziku) kopija, ovjerena od strane nadležnog organa 12.11.2019 godine
- Potvrda o ekskluzivnom servisnom zastupništvu proizvođača „ GE Healthcare”(s prevodom) kopija, ovjerena od strane nadležnog organa 12.11.2019 godine
- Rješenje Agencije za lijekove i medicinska sredstva BiH, broj: 10-07.12-4-548-1/17 od 20.02.2017. godine o obnovi upisa ponuđača u Registar veleprometnika medicinskim sredstvima, kopija, ovjerena od strane nadležnog organa 13.11.2019 godine
- Rješenje Agencije za lijekove i medicinska sredstva BiH, broj: 10-07.12-4-548-4/17 od 04.01.2019. godine o izmjeni rješenja (izmjena odgovornog lica), kopija, ovjerena od strane nadležnog organa 13.11.2019 godine
- Lista osiguranih lica iz Porezne uprave FBiH, Porezni ured Mostar kopija, ovjerena od strane nadležnog organa 13.11.2019 godine
- Spisak servisera sa imenom i kontakt adresom, potpisana i ovjerena od strane ovlaštene osobe;
- Certifikat za servisera Nihad Turković, na engleskom jeziku, ovjerena od strane nadležnog organa 13.11.2019
- Izjava o ispunjenosti uvjeta iz člana 47. stav (1) tačke od a) do d) ZJN, **Prilog broj 4**, potpisana i ovjerena od strane ovlaštene osobe;
- Potvrda Raiffeisen Bank Filijala Mostar, o solventnosti transakcijskog računa, kopija
- Obrazac izjave o dostavi garancije za uredno izvršenje ugovora, **Prilog broj 5**, popunjen, ovjeren i potpisan od strane ovlaštene osobe;
- Pismena izjava iz člana 52. ZJN, **Prilog broj 6**. ovjerena od strane nadležnog organa 19.11.2019 godine
- Obrazac za povjerljive informacije, **Prilog broj 7**, (nema povjerljivih informacija) potpisan i ovjeren od strane ovlaštene osobe,
- Nacrt ugovora popunjen i parafiran od strane ponuđača, **Prilog broj 8**;
- Obrazac izjave o prihvatanju općih i posebnih uslova tenderske dokumentacije, **Prilog broj 8**, popunjen, ovjeren i potpisan od strane ovlaštene osobe;
- Ovlaštenje za Mirsad Pehlić za potpisivanje tenderske dokumentacije, potpisana i ovjerena od strane ovlaštene osobe
- Izjava ponuđača o garanciji na isporučenu opremu od maksimalno 3(tri) mjeseca, potpisana i ovjerena od strane ovlaštene osobe
- Izjava ponuđača o potpisivanju zapisnika o puštanju opreme u rad, potpisana i ovjerena od strane ovlaštene osobe;
- Izjava ponuđača o opciji važenja ponude (120 dana), potpisana i ovjerena od strane ovlaštene osobe;
- Izjava ponuđača da je mjesto isporuke JU KBZ, potpisana i ovjerena od strane ovlaštene osobe
- Izjava ponuđača da oprema zadovoljava sve zahtjevanje tehničke karakteristike utvrđene u Prilogu 2 TD, potpisana i ovjerena od strane ovlaštene osobe;
- Izjava ponuđača da je rok plaćanja 60 dana od dana puštanja opreme u rad , potpisana i ovjerena od strane ovlaštene osobe
- Izjava ponuđača o roku isporuke ne dužem od 30(trideset) dana od dana dostavljanja narudbenice, potpisana i ovjerena od strane ovlaštene osobe,
- Izjava ponuđača o nepromjenjivosti cijena za vrijeme trajanja ugovora, potpisana i ovjerena od strane ovlaštene osobe;
- Izjava ponuđača da ne podliježe primjeni preferencijalnog tretmana domaćeg, potpisana i ovjerena od strane ovlaštene osobe;

Analizom ponude ponuđača "MEDICAL" D.O.O. MOSTAR , utvrđeno je da je ponuda uvezana na način propisan T.D., da je imenovani dostavio KOPIJU i ORIGINAL ponudu u skladu sa tačkom 4.2. TD, da je imenovani dostavio tražene dokumente, obrascu, izjave, ovjerene od strane nadležnog organa i ovlaštene osobe, prema uputama i uvjetima postavljenim u TD, a iz svega se može utvrditi da ponuđač "MEDICAL" d.o.o. MOSTAR ispunjava uslove u pogledu lične sposobnosti iz člana 45. ZJN BiH, profesionalne djelatnosti iz člana 46. ZJN BiH, ekonomske i finansijske sposobnosti iz člana 47. ZJN BiH, te tehničke i profesionalne sposobnosti iz člana 48. i 49. ZJN BiH. Pregledom dostavljene prospektne dokumentacije uz ponudu imenovanog ponuđača Komsija koja provodi predmetnu javnu nabavku je utvrdila da dostavljena specifikacija odgovara traženom iz Obrasca za cijenu ponude, Prilog broj 2 TD. Nakon detaljnog pregleda dostavljene ponude ponuđača "MEDICAL" D.O.O. MOSTAR utvrđen je nesklad u dijelu ponude sa objavljenom TD, a radi se o sljedećem: u TD na strani 6 u tački 3.7. Izjave i dokumenti o uslovima isporuke, garanciji i pružanju servisne podrške pod brojem 7 stoji da je ponuđač dužan da dostavi izjavu o garantnom roku na isporučenu robu sa ugradnjom minimalno 6 mjeseci, gdje je utvrđeno da je ponuđač na strani 37 svoje ponude dostavio potpisanu i ovjerenu izjavu u kojoj stoji da je garantni rok maksimalno 3 mjeseca, a na strani od 32 do 35 isti ponuđač je dostavio potpisan i ovjeren nacrt ugovora u kojem u članu 4 stavka 4 stoji da je garantni rok za isporučene rezervne

dijelove minimalno 6 mjeseci od dana isporuke i ugradnje rezervnog dijela. Obzirom da Ugovorni organ nije mogao utvrditi koji je ponuđeni garantni rok ponuđača "MEDICAL" D.O.O. MOSTAR od istog je dana 29.11.2019. godine tražio dostavljanje pojašnjenja ponude, koju je ponuđač dostavio dana 02.12.2019. godine u kojem je naveo da rok od 3 /tri/ mjeseca prema Izjavi koju je ponuđač dao kao sastavni dio ponude validna obzirom da ponuđeni rok od 3 mjeseca je rok koji je ranije globalnim ugovorom reguliran sa dobavljačem tj. firmom GE Healthcare i koji se sada ne može mijenjati, koje obrazloženje je Ugovorni organ prihvatio. Naknadnim pregledom i pregledom dostavljenog obrazloženja ponuda ponuđača sa datim rokom garancije je Ugovornom organu prihvatljiva.

Prema svemu navedenom, ponuda ponuđača "MEDICAL" d.o.o. MOSTAR ispunjava sve postavljene uslove u TD i kao takva je prihvatljiva ugovornom organu.

U tenderskoj dokumentaciji za nabavku robe: Rezervni dio za UZV proizvođača "Ge" sa popravkom i ugradnjom za potrebe JU Kantonalna bolnica Zenica, (tender, broj: 61-N-25/19), procijenjene vrijednosti 10.500,00 KM bez uračunatog PDV-a, JRJN oznaka predmeta nabavke: 34913000-0 Razni rezervni dijelovi, kriteriji za dodjelu ugovora je:

a) Najniža cijena tehnički zadovoljavajuće ponude

Također, tenderskom dokumentacijom planirano je provođenje e-aukcije.

Nakon utvrđene kvalificiranosti ponuđača nisu se stekli uslovi za provođenje e-aukcije jer je dostavljena samo 1 (jedna) ponuda.

Komisija je izvršila početno vrednovanje ponude, kako slijedi:

RED. BR. PONUDE	PONUĐAČ	Ukupna CIJENA u KM bez PDV-a
1	"MEDICAL" d.o.o. MOSTAR	10.468,00 KM

Procijenjena vrijednost nabavke iznosi 10.500,00 KM bez PDV-a, na period do isteka garancije.

Shodno utvrđenoj kvalificiranosti jedinog kandidata, Komisija jednoglasno daje preporuku direktoru JU Kantonalne bolnice Zenica da za javnu nabavku robe - Rezervni dio za UZV proizvođača "Ge" sa popravkom i ugradnjom za potrebe Javne ustanove Kantonalna bolnica Zenica (konkurencijski postupak, tender broj: 61-N-25/19) izvrši odabir najpovoljnije i jedine kvalificirane ponude i donese odluku o dodjeli i zaključenju ugovora na period do isteka garancije (3 mjeseca), sa ponuđačem "MEDICAL" D.O.O. MOSTAR na ukupnu vrijednost ponude od 10.468,00 KM bez PDV-a.

Na osnovu gore navedenog, donesena je odluka kao u dispozitivu.

POUKA O PRAVNOM LIJEKU:

Protiv ove odluke može se uložiti žalba Kantonalnoj bolnici Zenica u roku od 5 /pet/ dana od dana prijema iste.



DIREKTOR

Prof.dr.sc.prim Skomorac Rasim

Amela J. Anđić

